

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2020/59, 27.04.2020թ.

Բողոք բերող անձ՝ ԷԳՀ «Էներգակարգաբերում» ՓԲԸ

Պատվիրատու՝ «ՀԱԷԿ» ՓԲԸ

Գնման ընթացակարգի ծածկագիրը՝ «ՀԱԷԿ-ԳՀԱՇՁԲ-6/20» գնանշման հարցում

Գնման առարկան՝ ««ՀԱԷԿ» ՓԲԸ Դարձիչ Շարժիչ Գեներատորի (ԴՇԳ-1; 2; 4; 5) տիրիստորային ընդհատիչների (ՏԸ 4, 4Ա, 5, 5Ա) ռելեային պաշտպանության և ավտոմատիկայի վերանորոգում, կարգաբերում և ստուգում» աշխատանքների ձեռքբերում

Բողոքի պահանջը՝ Պարտավորեցնել ընթացակարգի գնահատող հանձնաժողովին՝

1. դադարեցնել «ԷԿՐԱ ԿՈՎԿԱՍ» ՍՊԸ-ին ընթացակարգի ընտրված մասնակից ճանաչելու և վերջինիս հետ պայմանագիր կնքելու մասին որոշումը,
2. «ԷԿՐԱ ԿՈՎԿԱՍ» ՍՊԸ-ի ընթացակարգին ներկայացված հայտը գնահատել անբավարար և մերժել,
3. Ընդունել որոշում ընթացակարգի ընտրված մասնակից ճանաչել ԷԳՀԻ ՓԲԸ «Էներգակարգաբերում» մասնաճյուղին:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Ռ.ՄԿՐՏՉՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ՀՀ գնումների հետ կապված բողոքներ քննող անձին
հասցե՝ ք.Երևան, Մելիք-Ադամյան փող. 1

Բողոքաբեր՝ «Էներգետիկայի գիտահետազոտական ինստիտուտ» ՓԲԸ
«Էներգակարգաբերում» մասնաճյուղ
հասցե՝ 0019, ք.Երևան, Այգեձորի փող. 67
պետական գրանցման համար՝ 264.065.1078439
Իրավաբանական անձի ծածկագիր (ՁԿԴ)՝ 51658610
ՀՎՀՀ 01507302

Էլ. փոստ՝ armenergonaladka@gmail.com

հեռ. 098 - 412 - 857

Պատվիրատուի անվանումը՝ «Հայկական ատոմային էլեկտրակայան» ՓԲԸ
Հասցե՝ ՀՀ Արմավիրի մարզ, ք.Մեծամոր

Գնման ընթացակարգի ծածկագիրը՝ «ՀԱԷԿ-ԳՀԱՇՁԲ-6/20»

**Գնման առարկան՝ ««ՀԱԷԿ» ՓԲԸ Դարձիչ Շարժիչ Գեներատորի (ԴՇԳ-1; 2; 4; 5) տի-
րիատորային ընդհատիչների (ՏԸ 4, 4Ա, 5, 5Ա) ռելեային պաշտ-
պանության և ավտոմատիկայի վերանորոգում, կարգաբերում և
ստուգում» աշխատանքների կատարման ձեռքբերում**


Բ Ո Ղ Ո Ք

1. Վեճի առարկան և բողոքը ներկայացրած անձի պահանջը

20.04.2020թ.-ին կայացել է «ՀԱԷԿ-ԳՀԱՇՁԲ-6/20» գնանշման հարցման ընթացակար-
գի գնահատող հանձնաժողովի (այսուհետ նաև՝ Հանձնաժողով) հայտերի գնահատ-
ման նիստը: «ՀԱԷԿ-ԳՀԱՇՁԲ-6/20» գնանշման հարցման ընթացակարգին (այսուհետ
նաև՝ Ընթացակարգ) հայտ են ներկայացրել երկու մասնակիցներ՝ ԷԳՀԻ ՓԲԸ «Էներգա-
կարգաբերում» մասնաճյուղը և «ԷԿԴԱ ԿՈՎԿԱՍ» ՍՊԸ-ն: Հանձնաժողովը մասնա-
կիցների ներկայացրած հայտերը գնահատել է բավարար: Հանձնաժողովը կայացրել է
որոշում բավարար գնահատված հայտերից Ընթացակարգի ընտրված մասնակից ճա-
նաչել նվազագույն գնային առաջարկ ներկայացրած «ԷԿԴԱ ԿՈՎԿԱՍ» ՍՊԸ-ին և
վերջինիս հետ կնքել պայմանագիր: Սակայն «ԷԿԴԱ ԿՈՎԿԱՍ» ՍՊԸ-ի հայտի գնային
առաջարկում առկա է եղել «ՀԱԷԿ-ԳՀԱՇՁԲ-6/20» գնանշման հարցման ընթացակարգի
հրավերի (այսուհետ նաև՝ Հրավեր) պահանջներին անհամապատասխանություն,
այն է՝ **Գնային առաջարկում լրացված չի եղել մասնակցի անվանումը, մասնակցի
ղեկավարի անուն ազգանունը և պաշտոնը:** Հանձնաժողովը գնային առաջարկում
առկա նշված անհամապատասխանությունը համարել է ոչ էական:

Գտնում ենք, որ գնային առաջարկը՝ որում բացակայում են մասնակցի անվանումը,
մասնակցի ղեկավարի անուն ազգանունը և պաշտոնը չի կարող համարվել Հրավերի
պահանջներին բավարարող և ՀՀ գնումների հետ կապված բողոքները քննող անձին
խնդրում ենք պարտավորեցնել Հանձնաժողովին՝

- դադարեցնել «ԷԿԴԱ ԿՈՎԿԱՍ» ՍՊԸ-ին Ընթացակարգի ընտրված մասնակից
ճանաչելու և վերջինիս հետ պայմանագիր կնքելու մասին որոշումը,



- «ԷԿՐԱ ԿՈՎԿԱՍ» ՍՊԸ-ի Ընթացակարգին ներկայացված հայտը գնահատել անբավարար և մերժել,
- ընդունել որոշում Ընթացակարգի ընտրված մասնակից ճանաչել ԷԳՀԻ ՓԲԸ «Էներգակարգաբերում» մասնաձյուղին:

2. Բողոքի փաստացի իրավական հիմքերը և ապացույցները

ՀՀ կառավարության 04.05.2017թ.-ի թիվ 526-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 40-րդ կետի 4-րդ ենթակետի համաձայն՝ «հայտերի բացման և գնահատման հանձնաժողովը մերժում է այն հայտերը, որոնցում բացակայում է գնային առաջարկը, կամ եթե այն ներկայացված է հրավերի պահանջներին անհամապատասխան, բացառությամբ սույն կարգի 41-րդ կետով նախատեսված դեպքի»: Հրավերի 1-ին մասի 8.2 կետով ևս սահմանված են Կարգով նախատեսված պահանջները՝ «հայտերի բացման և գնահատման նիստում հանձնաժողովը մերժում է այն հայտերը, որոնցում բացակայում է գնային առաջարկները կամ դրանք ներկայացված են հրավերի պահանջներին անհամապատասխան, բացառությամբ սույն հրավերի 1-ին մասի 8.9 կետով սահմանված դեպքի»: Հրավերի 1-ին մասի 8.9 կետով և Կարգի 41-րդ կետով գնային առաջարկում կարելի է շտկել միայն բացակայող էլեկտրոնային ստորագրության անհամապատասխանությունը: Հետևաբար Կարգով՝ օրենսդիրը և Հրավերով՝ Պատվիրատուն, սահմանել են, որ Հանձնաժողովը բոլոր դեպքերում պետք է մերժի այն հայտերը, որոնցում բացակայում է գնային առաջարկը, կամ եթե այն ներկայացված է հրավերի պահանջներին անհամապատասխան, բացառությամբ էլեկտրոնային ստորագրության բացակայության, որի դեպքում անհամապատասխանությունը թույլատրվում է շտկել: Հատկանաշական է նաև, որ օրենսդիրը Կարգի 32-րդ կետի 2-րդ ենթակետի ա.-գ. պարբերություններով մանրակրկիտ ձևով սահմանել է գնային առաջարկում բոլոր թույլատրելի շեղումները և վրիպակները, որոնց դեպքում հայտը առանց գնային առաջարկի շտկման կարող է համարվել բավարար: Թույլատրելի շեղումների և վրիպակների ցանկում Կարգով նախատեսված չէ առանց մասնակցի անվանման և մասնակցի ղեկավարի անուն ազգանվան ու պաշտոնի նշման գնային առաջարկների բավարար համարումը: Նույն կարգավորումներն են բերված նաև Հրավերի 1-ին մասի 5.2 կետում: Փաստորեն Կարգով և Հրավերով միանշանակ սահմանված են, որ բացառությամբ էլեկտրոնային ստորագրության բացակայության անհամապատասխանության շտկման դեպքի, գնային առաջարկում անհամապատասխանությունների շտկում չի թույլատրվում, և եթե գնային առաջարկում առկա անհամապատասխանությունները ներառված չեն Կարգի 32-րդ կետի 2-րդ ենթակետով կամ Հրավերի 1-ին մասի 5.2 կետով նշվածներում, ապա հայտը՝ որի գնային առաջարկում կան նման անհամապատասխանություններ, Հանձնաժողովի կողմից մերժվում է:

Համաձայն բերված պարզաբանումների, «ԷԿՐԱ ԿՈՎԿԱՍ» ՍՊԸ կողմից գնային առաջարկում մասնակցի անվանումը, մասնակցի ղեկավարի անուն ազգանունը և պաշտոնը նշած չլինելու փաստը Հանձնաժողովի կողմից ոչ էական համարելը և նման ձևով կազմված գնային առաջարկը Հրավերով սահմանված պահանջներին բավարար համարելը, հակասում է Կարգի 32-րդ, 40-րդ, 41-րդ կետերի և Հրավերի 1-ին մասի 5.2,

8.2, 8.9 կետերի պահանջներին: Բացի այդ գնային առաջարկն ըստ «Նորմատիվ իրավական ակտերի մասին» ՀՀ օրենքի 2-րդ հոդվածի 1-ին մասի 5-րդ կետի՝ հանդիսանում է անհատական իրավական ակտ: Նույն օրենքի 1-ին հոդվածի 2-րդ մասով «... նորմատիվ իրավական ակտերում փոփոխություններ և լրացումներ կատարելու, նորմատիվ իրավական ակտերի գործողությունը դադարեցնելու, ժամկետների հաշվարկման վերաբերյալ դրույթների գործողությունը տարածվում է անհատական և ներքին իրավական ակտերի վրա, եթե այլ բան սահմանված չէ օրենքով կամ այն նորմատիվ իրավական ակտով, որով նախատեսվել է անհատական կամ ներքին իրավական ակտի ընդունում»: Նույն օրենքի 25-րդ հոդվածի 4-րդ մասով նորմատիվ իրավական ակտի «Պաշտոնական հրապարակումն իրականացվում է այն տեսքով, ինչ տեսքով դրանք ուղարկվել են հրապարակման: Այլ անձանց կամ մարմինների արգելվում է կատարել լեզվաոճական, խմբագրական, շարադասական կամ այլ բնույթի փոփոխություններ իրավաստեղծ մարմնի՝ վերջնական խմբագրությամբ ընդունած նորմատիվ իրավական ակտում, բացառությամբ ուղղագրական կամ կետադրական սխալների ուղղման, որոնց ուղղման դեպքում տեքստի բովանդակությունը չի փոխվում»: Սույն մասի պահանջների խախտմամբ կատարված փոփոխություններն իրավաբանական ուժ չունեն: Հետևաբար Հանձնաժողովը բացի Կարգով և Հրավերով սահմանված պահանջներից, ընդհանուր առմամբ իրավասու էր բավարար համարել նաև «ԷԿՐԱ ԿՈՎԿԱՍ» ՍՊԸ կողմից ներկայացված, տեքստի բովանդակությունը չփոխող, ուղղագրական կամ կետադրական սխալներով գնային առաջարկը, եթե այդպիսիք լինեին: Իսկ գնային առաջարկում մասնակցի անվանումը, նրա ղեկավարի անուն ազգանունը և պաշտոնը նշած չլինելը չի կարող համարվել ուղղագրական կամ կետադրական սխալ, բացի այդ դա ամբողջովին փոխում է գնային առաջարկի տեքստի բովանդակությունը: Հետևաբար անանուն և ոչ ներկայանալի կազմված գնային առաջարկը Հանձնաժողովի կողմից Հրավերի պահանջներին բավարար համարելու որոշումն իրավական հիմք չունի և այդ որոշումն ու նրանից բխող Հանձնաժողովի այլ որոշումները պետք է համապատասխանեցվեն օրենսդրության պահանջներին: Ըստ այդմ ՀՀ գնումների հետ կապված բողոքները քննող անձին խնդրում ենք բավարարել սույն բողոքի 1-ին կետում նշված ԷԳՀԻ ՓԲԸ «Էներգակարգաբերում» մասնաճյուղի ներկայացրած պահանջները:

ԷԳՀԻ ՓԲԸ
«Էներգակարգաբերում» մասնաճյուղի տնօրեն



Կից ներկայացվում են՝

1. ԷԳՀԻ ՓԲԸ «Էներգակարգաբերում» մասնաճյուղի պետ. ռեգիստրի վկայականի պատճենը:
2. ԷԳՀԻ ՓԲԸ «Էներգակարգաբերում» մասնաճյուղի տնօրենի և ույնականացման քարտի պատճենը:
3. Բողոքարկման վճարի հանձնարարագրի անդորրագրի պատճենը: